

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-11-4-3630-4

Dana: 31.10.2022. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i člana 69. stav (3) Zakona o javnim nabavkama („Službeni glasnik Bosne i Hercegovine”, broj 39/14 i 59/22), u postupku javne nabavke građevinsko-zanatskih radova na više objekata Ministarstva unutrašnjih poslova Kantona Sarajevo za potrebe Ministarstva unutrašnjih poslova Kantona Sarajevo, ministar unutrašnjih poslova Kantona Sarajevo, **d o n o s i**

ODLUKU

o otkazivanju postupka nabavke građevinsko-zanatskih radova na više objekata Ministarstva unutrašnjih poslova Kantona Sarajevo

I

Otkazuje se postupak javne nabavke građevinsko-zanatskih radova na više objekata Ministarstva unutrašnjih poslova Kantona Sarajevo za potrebe Ministarstva unutrašnjih poslova Kantona Sarajevo.

II

Poništava se i stavlja van snage Odluka o izboru ponuđača broj 01-11-4-3630-3 od 30.06.2022. godine.

III

Ova odluka stupa na snagu danom donošenja.

Obrazloženje

Na osnovu Odluke o pokretanju postupka broj 01-11-4-3630 od 02.06.2022. godine i Obavještenja o nabavci broj 1364-1-3-55-3-35/22 od 07.06.2022. godine, proveden je otvoreni postupak nabavke građevinsko-zanatskih radova na više objekata Ministarstva unutrašnjih poslova Kantona Sarajevo.

Komisija za javne nabavke konstatovala da je Tendersku dokumentaciju preuzelo 14 ponuđača, a da je prispjela samo jedna ponuda, za sva četiri LOT-a, i to Kula Mont d.o.o. Zenica i da je u postupku nabavke od strane jednog ponuđača postavljeno pitanje na koje je odgovoreno u predviđenom roku.



Konstatovano je da je prispjela ponuda blagovremena i da ima sljedeće vrijednosti, po LOT-ovima, bez PDV-a:

- LOT 1 - Sanacija dijela krova – sjedište Ministarstva, u iznosu 3.018,70 KM,
- LOT 2 - Izrada prostorija za dežurnu službu i vezu - Jedinica za podršku, u iznosu 23.639,90 KM,
- LOT 3 - Adaptacija kancelarija Odjeljenja za kriptozastitu, u iznosu 15.105,15 KM i
- LOT 4 - Izrada prostorija za dežurnu službu i pritvorske jedinice - PS Hadžići u iznosu 3.670,50 KM.

Komisija je prilikom provjere kvalifikacija ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava, koji su preduslov za pristupanje ocjeni ponuda, konstatovala da je prispjela ponuda formalno-pravno ispravna kada su u pitanju LOT 1 i LOT 4. Međutim, za LOT 2 i LOT 3 nisu dostavljeni dokazi po članu 51. Zakona o javnim nabavkama po pitanju stručne spreme kako je traženo Tenderskom dokumentacijom. Naime, Tenderskom dokumentacijom je tražen diplomirani inženjer mašinstva, a dostavljena je dokumentacija za diplomiranog inženjera građevinarstva.

S obzirom da je prispjela samo po jedna formalno-pravno ispravna ponuda za dva navedena LOT-a, nisu se stekli uslovi za zakazivanje e-aukcije.


Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama BiH („Sl. glasnik BiH“ broj 39/14i 59/22), Komisija je jednoglasno dala preporuku ministru MUP-a Kantona Sarajevo da donese odluku o dodjeli ugovora za nabavku građevinsko-zanatskih radova za LOT 1 - Sanacija dijela krova - sjedište Ministarstva, u iznosu 3.018,70 KM i LOT 4 - Izrada prostorija za dežurnu službu i pritvorske jedinice - PS Hadžići u iznosu od 13.670,50 KM izvođaču radova Kula Mont d.o.o. Zenica, a kada su u pitanju LOT 2 i LOT 3, predložila da se postupak poništi i pokrene novi.

Na osnovu date preporuke donesena je Odluka o izboru ponuđača broj 01-11-4-3630-3 od 30.06.2022. godine, međutim nakon što je sačinjen i od strane ministra potpisan ugovor za LOT 1 i LOT 4, izvođač radova je odustao od potpisivanja ugovora, uz obrazloženje da zbog nekontrolisanog rasta cijena na tržištu ne može prihvatiti ugovor.

Cijeneći naprijed navedeno, a kako je u predmetnom postupku dostavljena samo jedna ponuda, i kako su ispunjeni uslovi iz člana 69. stav (3) Zakona o javnim nabavkama, odnosno zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke, riješeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od deset dana od dana prijema ove odluke, a u skladu sa članom 99. i 101. Zakona o javnim nabavkama.



Dostaviti:

1. Ponuđaču,
2. Komisiji,
3. Sektoru komercijalnih poslova,
4. Kabinetu ministra - stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba